

COMUNICATO n. 520 del 07/03/2025

Di prodjèkte mang khemmen inngètt sin atz 26 von madjo boda khint

“Djunge afte pèrng: prodjèkte zo leba, z’arbata un untarnemmung” ’z hefta å dar prais Arge Alp 2025

[Cimbro] Pinn titl “Djunge afte pèrng: prodjèkte zo leba, z’arbata un untarnemmung” da autonome Provìntz vo Tria, bada hatt di vorsitzarung vodar Arbat Kamòuschaft, hatt zornìrt in grunt tèma von Prais Arge Alp 2025, pinn zil zo geba ’z bort in lentar von pèrng in soi tagliche geleba, daz earst vo allz haltante kunt von esperientzan von djungen boda gian vür zo leba un z’arbata afte pèrng, gebante an schütz vor naüge un oridjinàl prodjèkte boda mang khemmen gemacht vo åndre atz mearare saitn, prodjèkte boda süachan zo geba arbat in djungen djeneratziongen boda lem in di lentar von alpinar raum.

’Z zil von Prais 2025, boda in gântzan gitt auz 10.000 euro, iz daz sèll zo geba vèrt in sèlln prodjèkte boda machan pintn sterchar di djungen von redjongen vo Arge Alp pitt soin lentar. ’Z izta zait sin atz 26 von madjo zo geba inn di prodjèkte

In Prais Arge Alp 2025 mangda nemmen toal feroine boda arbatn in di lentar vo pergè odar auz ar abege, boda schützan di untarnemmung von djungen in di lentar vort bait von stattn azpe: firme un start-up boda vürvüarn naüge un oridjinàl prodjèkte, augelekk übarhaup vor di djungen, nützante naturàl matardjeldar boma vennt in lånt sèlbart; schualn boda hãm studjént untar di viartza djar boda vürvüarn prodjèkte zo nütza ’z geplèttra sa genützt un åndre naturàl matardjéldar boma vennt garade in lånt. Dar prodjèkt mocht sa soin ågeheft, ma nonet verte.

Ma mage nèt inngem prodjèkte boda sa soin geschützt garade pitt européan schütz.

Zbisnen in prodjèkte inngètt bartnda khemmen an earstn zornìrt di finalistn vo aniaglana redjong, dena di redjongen sèlbart bartn vürtrang di prodjèkte inar internatzionàl djurì. Disa bart zornìrn di pestn sèks prodjèkte (drai vor aniaglana kategori) boda bartn khemmen darkhennt inar zerimonie bodase bart haltn di Konferéntz von Schaffar von Governo vo Arge Alp, di Konferéntz bartze haltn ka Tria atz 23 un 24 von bimmat 2025. Dar internatzionàl darkhenn vor aniaglana kategori bart soin vo 2.500 euro vor in earst prais, 1.500 euro vor in zboate un 1.000 euro vor in draite.

Dar auzschraibung un dar formular innzoschraibase venntmen afte websait: <https://www.argealp.org/it>

Arge Alp in an arbat kamòuschaft augelekk atz 12 von bimmat von djar 1972 atz Mösern, in Tiról, pinn zil z’arbata übar tème boda ågian alln un boda innvånk schiar 26 mildjü laüt. ’Z nemmda toal in Arge Alp, ’z Taütschlånt pinn Frai Stato vodar Baviara, ’z Österraich pinn Länder Vorarlberg, Tiról un Salzburg, ’z Beleschlånt pinn zboa autonome Provintzan vo Poatzan un Tria un pittar Redjong Lombardia, di Svaitz pinn Kantöü Graubünden, Saknt Gallen un Tessin.

Übarsetzt von Schaltarle vor di zung von Toalkamou vodar Zimbar Hoachebene

(cdt)

